

RESOLUCIÓN reitoral do 30 de xullo de 2025 pola que se publica a convocatoria para a actualización de datos de asociacións estudantís da Universidade de Vigo no censo público desta universidade.

No articulado do Real decreto 1791/2010 do 30 de decembro que aproba o Estatuto do estudante universitario, se establece que as universidades impulsarán a participación estudantil en asociacións como expresión da formación en valores de convivencia e cidadanía, promoverán a constitución de asociacións, e na medida das súas posibilidades habilitarán os medios para o desenvolvemento de actividades e funcionamento das asociacións, dispoñendo para iso dun rexistro ou censo de asociacións estudantís.

O Regulamento de estudantes da Universidade de Vigo (DOG do 26 de maio de 2021) recolle que as asociacións deberán realizar anualmente a actualización de datos no censo público sempre que se constitúan de acordo coa lexislación vixente, polo que en virtude das facultades outorgadas pola Lei orgánica 2/2023, de 22 de marzo, do Sistema Universitario, esta reitoría

RESOLVE:

1. Convocar o proceso para a actualización de datos de asociacións estudantís da Universidade de Vigo no censo público desta universidade.
2. Ordenar a publicación da presente convocatoria e as bases que a regulan no taboleiro electrónico da Universidade de Vigo <https://sede.uvigo.gal/public/bulletin/bulletin-index.xhtml>

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte a súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución recurso de reposición, no prazo dun mes contado a partir do día seguinte, da súa publicación, perante o Reitor. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

O reitor

Por delegación R.R. do 31/05/2024 (DOG do 10 de xuño)

A vicerreitora de Estudantado e Empregabilidade

Natalia Caparrini Marín



BASES que regulan a convocatoria para a actualización de datos no censo de asociacións estudantís de nova creación da Universidade de Vigo

1.- Introducción

Todo o estudantado ten dereito a asociarse libremente dentro da comunidade universitaria para velar polo cumprimento dos seus dereitos e deberes, potenciar a participación en todos os ámbitos e contribuír aos fins da universidade.

Poderá promover asociacións o estudantado da Universidade de Vigo, que se atope en pleno uso dos seus dereitos académicos e que libremente acorde servir os fins enunciados nos seus propios estatutos.

Hai que ter en conta que a porcentaxe de membros estudantes da Universidade de Vigo da asociación estudantil ten que ser igual ou superior ao 50% do total de persoas asociadas e que anualmente debe procederse a actualización dos datos no censo público de asociacións. Se con anterioridade ao cumprimento do ano se producise algunha modificación nos datos da asociación, esta deberá ser comunicada no momento que suceda.

O Consello de Goberno, trala audiencia das persoas responsables das asociacións, poderá dar de baixa no rexistro de asociacións da universidade, con carácter temporal ou definitivo, ás que incumpran grave e reiteradamente os compromisos que figuran no Regulamento de estudantes da Universidade de Vigo.

2. Solicitantes, lugar de presentación e documentación e prazo establecido.

2.1. Requisitos solicitantes:

A persoa que ostenta o cargo da presidencia ou secretaría da asociación estudantil, deberá cumprimentar os formularios da solicitude de actualización/modificación (anexo I), e dos datos requiridos no anexo II.

2.2. Lugar de presentación e documentación:

Os formularios anteriores, xunto coa documentación que se indica no seguinte parágrafo, se presentarán a través da sede electrónica da Universidade de Vigo mediante o proceso "XSER - Instancia Xenérica" (<https://sede.uvigo.gal/public/catalog-detail/22615858>), indicando no asunto "Actualización/modificación censo Asociacións- servizo de Xestión da Extensión Universitaria",

Documentación a achegar xunto coa solicitude segundo o motivo desta:

2.2.1. Modificación membros xunta directiva e ou asociadas/os:

- Anexo II: Compoñentes actuais da xunta directiva, como mínimo a presidencia, secretaría e tesourería teñen que pertencer ao colectivo de estudantes da Universidade de Vigo.
- Copia da Acta da asociación estudantil na que se rexistre a xuntanza na que se aprobou a modificación ou ben certificado, expedido pola persoa que ostenta a secretaría, do acordo adoptado aprobando dita modificación, debidamente asinado pola secretaría e presidencia da asociación.
- Inscripción no rexistro da Xunta de Galicia da citada modificación.



- DNI/NIE da persoas que sexan novas compoñentes da xunta directiva: copia.

No caso de que se modificaran os membros asociados, ademais da documentación anterior, deberá achegarse:

- Copia do libro de persoas asociadas: conterá o nome e apelidos, DNI/NIE e a titulación na que se atopan matriculados os membros da asociación estudantil que sexan estudantes da Universidade de Vigo. Para efectos de comprobar a porcentaxe de estudantes, terase en conta a matrícula no curso correspondente á data de presentación da solicitude.

2.2.2. Modificación estatutos da asociación estudantil:

- Anexo II: Compoñentes actuais da xunta directiva, como mínimo a presidencia, secretaría e tesourería teñen que pertencer ao colectivo de estudantes da Universidade de Vigo.
- Copia da Acta da asociación estudantil na que se rexistre a xuntanza na que se aprobaron os novos estatutos ou ben certificado, expedido pola persoa que ostenta a secretaría, do acordo adoptado coa aprobación dos novos estatutos, debidamente asinado pola secretaría e presidencia da asociación.
- Estatutos modificados da asociación estudantil, asinados en todas as páxinas polas persoas que ostenten o cargo de presidencia e da secretaría e visados pola Xunta de Galicia e adaptados segundo o establecido na lei orgánica 1/2002 do 22 de marzo (BOE do 26), no que conste dilixencia de modificación indicando que foron aprobados por acordo da asemblea xeral e que substitúen aos anteriores estatutos.
- Inscripción no rexistro da Xunta de Galicia da citada modificación.

2.2.3. Modificación da denominación da asociación estudantil:

- Anexo II: Compoñentes actuais da xunta directiva, como mínimo a presidencia, secretaría e tesourería teñen que pertencer ao colectivo de estudantes da Universidade de Vigo.
- Copia da Acta da asociación estudantil na que se rexistre a xuntanza na que se aprobou o cambio de denominación ou ben certificado, expedido pola persoa que ostenta a secretaría, do acordo adoptado aprobando dita modificación, debidamente asinado pola secretaría e presidencia da asociación.
- Estatutos modificados da asociación estudantil, asinados en todas as páxinas polas persoas que ostenten o cargo de presidencia e da secretaría e visados pola Xunta de Galicia e adaptados segundo o establecido na lei orgánica 1/2002 do 22 de marzo (BOE do 26), no que conste dilixencia de modificación indicando que foron aprobados por acordo da asemblea xeral e que substitúen aos anteriores estatutos.
- Inscripción no rexistro da Xunta de Galicia da citada modificación.



- CIF da asociación estudantil: copia da tarxeta de identificación fiscal coa nova denominación.

2.2.4. Actualización de datos:

- Copia da Acta da asociación estudantil na que se rexistre a xuntanza na que se aprobou, por un lado, a síntese da actividade da asociación durante o curso anterior con referencia ao funcionamento, programas levados a cabo e grao de participación nas actividades, ademais deberá presentarse un resumo dos orzamentos de gastos e ingresos executados; e por outro lado, o programa de actividades para o próximo curso académico cunha breve descrición de obxectivos e contidos, sendo imprescindible presentar un orzamento de gastos e ingresos previstos.

2.3 Prazo de presentación:

Iníciase o día seguinte da publicación da presente convocatoria no taboleiro electrónico da Universidade de Vigo e estará aberto ata a publicación dunha nova convocatoria de modificación/actualización no censo de asociacións. Lembrando que a actualización de datos será sempre anual.

Non se admitirán a trámite as solicitudes presentadas por outras vías.

Tamén se lle poderá requirir, se fose necesario, que acheguen a documentación que se estime oportuna para poder aclarar calquera información que fose de utilidade para poder levar a cabo a actualización/modificación solicitada.

3. Tramitación. Unha vez recibidas as solicitudes comprobarase toda a documentación presentada.

O Servizo de xestión da extensión universitaria notificará a través da sede electrónica á asociación estudantil solicitante que, no caso de existir algunha desconformidade na documentación revisada, no prazo improrrogable de 10 días hábiles contados a partir do día seguinte de recepción desta notificación, emende as faltas ou acompañe os documentos necesarios. Transcorrido este prazo sen recibir a emenda, archivarase a súa solicitude inicial sen máis trámite.

A persoa solicitante presentará a documentación requirida para a emenda a través da sede electrónica da Universidade de Vigo mediante o procedemento "Emenda e mellora da solicitude" (<https://sede.uvigo.gal/public/catalog-detail/1259161>) e facendo referencia ao número de rexistro da solicitude inicial.

Se a documentación recibida está completa e cumpre os requisitos establecidos na convocatoria, será a Comisión de Extensión Universitaria e Estudantes quen aprobe a modificación e actualización no censo de asociacións estudantis da Universidade de Vigo, este feito, comunicáraselle á persoa solicitante a través da sede electrónica.

4. Tratamento de datos persoais:

De acordo co disposto no artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección da persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento Xeral de Protección de Datos ou "RXPDP") e co disposto no artigo 11 da Lei orgánica 3/2018, de 5 de decembro, de protección de datos persoais e garantía dos dereitos dixitais, informámoslle que os datos



que vostede nos facilite na solicitude, serán tratados baixo a responsabilidade da Universidade de Vigo, coa finalidade de organizar e xestionar os obradoiros, e amparados por esta convocatoria.

Conforme o disposto no artigo 45 da Lei 39/2015, do 1 de outubro, do procedemento administrativo común das administracións públicas, a Universidade de Vigo está lexitimada para a publicación daqueles datos persoais que fosen precisos atendendo á natureza e finalidade do acto que sexa obxecto de publicación. Non obstante, e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813419 ou ao enderezo electrónico igualdade@uvigo.gal.

Estes datos trátanse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

As persoas interesadas teñen dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, o traslado dos seus datos.

Os citados dereitos poderán exercelos a través da sede electrónica da Universidade de Vigo <https://sede.uvigo.gal/> (preferentemente a través do procedemento específico SXER – Exercicio dereitos sobre protección de datos) ou mediante solicitude dirixida ao Reitor da Universidade de Vigo e presentada ante as Oficinas de Asistencia en Materia de Rexistro da Universidade de Vigo ou calquera dos rexistros ou oficina de correos indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para máis información: <https://www.uvigo.gal/proteccion-datos>

Igualmente poderán dirixir dita solicitude directamente ao Delegado de Protección de Datos da Universidade de Vigo, a través do enderezo electrónico: dpd@uvigo.gal

Así mesmo, se a súa solicitude non é atendida pola Universidade de Vigo, teñen dereito a presentar unha reclamación ante a Axencia Española de Protección de Datos (AEPD).

